



Broj: 05/1-50-13-26-49-3/18

Sarajevo, 9. 7. 2018.

ZAPISNIK

49. sjednice Nezavisnog odbora Parlamentarne skupštine BiH

Sjednica je održana 9. 7. 2018, s početkom u 17 sati.

Sjednicu je sazvala Tatjana Klječanin-Martić, predsjednica Nezavisnog odbora.

PRISUTNI ČLANOVI NEZAVISNOG ODBORA: Enes Obralijski, prvi zamjenik predsjednice Nezavisnog odbora, Ilma Mehić-Jusufović, Adisa Begić, Nikola Džambas, Mate Miletić, Ljubomir Kuravica i Vladimir Jurišić, članovi Nezavisnog odbora.

ODSUTNI ČLANOVI NEZAVISNOG ODBORA: Tatjana Klječanin-Martić, predsjednica Nezavisnog odbora, i Mato Jozić, drugi zamjenik predsjednice Nezavisnog odbora.

OSTALI PRISUTNI: Ivana Lovrić, koja obavlja poslove sekretara Nezavisnog odbora.

Sjednici je prisustvovao i Perica Stanić, direktor Državne agencije za istrage i zaštitu.

Sjednicu su pratili i Zoran Brkić iz Sektora za odnose s javnošću Sekretarijata Parlamentarne skupštine BiH te Senad Zlatar, predstavnik OHR-a.

Sjednicom je predsjedavao prvi zamjenik predsjednice Nezavisnog odbora Enes Obralijski.

Konstatirajući da postoji kvorum za rad, otvorio je 49. sjednicu Nezavisnog odbora Parlamentarne skupštine BiH.

Nezavisni odbor jednoglasno je usvojio sljedeći

DNEVNI RED

1. Usvajanje Zapisnika 48. sjednice Nezavisnog odbora;
2. Razmatranje Izvještaja o radu Državne agencije za istrage i zaštitu za 2017. godinu i Programa rada Državne agencije za istrage i zaštitu za 2018. godinu, materijal broj: 16-03-50-2162-4/17 od 28. 5. 2018, a zaprimljen u Pisarnici Parlamentarne skupštine BiH 1. 6. 2018, broj: 05/1-50-13-26-47/18;
3. Razmatranje dopisa Ministarstva sigurnosti BiH, materijal broj: 04-50-5130-1/18 od 27. 6. 2018, a zaprimljen u Pisarnici Parlamentarne skupštine BiH 29. 6. 2018, broj: 05/1-50-19-1504/18;
4. Tekuća pitanja.

Ad. 1. Usvajanje Zapisnika 48. sjednice Nezavisnog odbora

Zapisnik 48. sjednice Nezavisnog odbora jednoglasno je usvojen, bez primjedbi.

Ad. 2. Razmatranje Izvještaja o radu Državne agencije za istrage i zaštitu za 2017. godinu i Programa rada Državne agencije za istrage i zaštitu za 2018. godinu, materijal broj: 16-03-50-2162-4/17 od 28. 5. 2018, a zaprimljen u Pisarnici Parlamentarne skupštine BiH 1. 6. 2018, broj: 05/1-50-13-26-47/18

U uvodu u ovu tačku dnevnog reda prvi zamjenik predsjednice Nezavisnog odbora Enes Obralića napomenuo je da je Državna agencija za istrage i zaštitu, u skladu sa zaključkom s 47. sjednice Nezavisnog odbora, dostavila Izvještaj o radu Državne agencije za istrage i zaštitu za 2017. godinu i Program rada Državne agencije za istrage i zaštitu za 2018. godinu. U vezi s tim, na sjednicu su pozvani direktor Državne agencije za istrage i zaštitu Perica Stanić i zamjenik direktora Državne agencije za istrage i zaštitu Đuro Knežević. Zbog ranije preuzetih obaveza, zamjenik direktora nije bio u mogućnosti prisustvovati sjednici Nezavisnog odbora na kojoj je razmatran dostavljeni materijal.

U raspravi o ovoj tački dnevnog reda i razgovoru članova Nezavisnog odbora s direktorom Državne agencije za istrage i zaštitu BiH učestvovali su svi prisutni članovi Nezavisnog odbora. Razgovarali su o trenutnom stanju u Državnoj agenciji za istrage i zaštitu, problemima s kojima se susreću u radu, migrantskoj krizi, kadrovskoj popunjenosti, o nacionalnoj strukturi zaposlenih u ovoj policijskoj agenciji, Zakonu o Državnoj agenciji za

istrage i zaštitu, o saradnji s drugim policijskim agencijama te drugim pitanjima iz domena rada Državne agencije za istrage i zaštitu.

Nakon rasprave, članovi Nezavisnog odbora jednoglasno su primili k znanju Izvještaj o radu Državne agencije za istrage i zaštitu za 2017. godinu i Program rada Državne agencije za istrage i zaštitu za 2018. godinu.

Ad. 3. Razmatranje dopisa Ministarstva sigurnosti BiH, materijal broj: 04-50-5130-1/18 od 27. 6. 2018, a zaprimljen u Pisarnici Parlamentarne skupštine BiH 29. 6. 2018, broj: 05/1-50-19-1504/18

U uvodu u ovu tačku dnevnog reda prvi zamjenik predsjednice Nezavisnog odbora Enes Obralića istakao je da je Ministarstvo sigurnosti BiH Nezavisnom odboru uputilo akt Granične policije BiH, broj: 17-06-02-34-9/2095/18 od 14. 6. 2018, u kojem mole za dostavljanje dokumentacije koju je zamjenik direktora Granične policije BiH Fahrudin Halač dostavio uz prijavu na Javni konkurs za provođenje procedure odabira kandidata za izbor direktora i zamjenika direktora policijskih tijela Bosne i Hercegovine („Službeni glasnik BiH“, broj 2/18), a radi formiranja personalnog dosjea te otvorio rapravu. U raspravi su učestvovali svi prisutni članovi Nezavisnog odbora nakon čega su jednoglasno donijeli sljedeći

ZAKLJUČAK

Nezavisni odbor omogućit će Fahrudinu Halaču, zamjeniku direktora Granične policije BiH, izuzimanje dokumentacije u prostorijama Parlamentarne skupštine Bosne i Hercegovine uz revers na period do tri dana, koju može fotokopirati, te je potrebno da originalne dokumente vrati sekretaru Nezavisnog odbora.

Ad. 4. Tekuća pitanja

U okviru ove tačke dnevnog reda dogovoreno je i da se sljedeća sjednica Nezavisnog odbora održi u zadnjoj sedmici augusta 2018. godine te da se na sjednicu pozovu direktor i zamjenici direktora Direkcije za koordinaciju policijskih tijela BiH.

U okviru ove tačke dnevnog reda prvi zamjenik predsjednice Nezavisnog odbora Enes Obralića naglasio je da je Nezavisnom odboru pristiglo anonimno pismo nezadovoljnih policijskih službenika Direkcije za koordinaciju policijskih tijela BiH te otvorio raspravu. Nakon rasprave, dogovoreno je da se na sljedećoj sjednici Nezavisnog odbora, na koju će biti pozvani direktor i zamjenici direktora Direkcije za koordinaciju policijskih tijela BiH, razmotre okolnosti iz predstavke i zatraži njihovo izjašnjenje.

Također, dogovoreno je da članovi Nezavisnog odbora do sljedeće sjednice razmisle o načinu daljnjeg postupanja Nezavisnog odbora kada su u pitanju anonimne predstavke.

Prvi zamjenik predsjednice Nezavisnog odbora Enes Obralić zaključio je sjednicu u 18.35 sati.

SEKRETARKA
NEZAVISNOG ODBORA

Ivana Lovrić

PREDSJEDNICA
NEZAVISNOG ODBORA

Tatjana Klječanin-Martić